




Projet promovût di 'La Vôs dai Furlans' e 'ARLeF'

Lu saveviso che...?



Il gnotul al è un animâl che al svole di gnot e al à lis alis fatis di piel. Imagjine di vê lis mans grandis e sutilis che si slungjin e a diventin alis: al è propit cussì che al rive a svolâ! Nol à invezit une viste buine e, par orientâsi tal scûr e cjatâ di mangjâ, al fâs suns acûts che a batin sui ogjets e a tornin indaûr, tant che un rivoc. Si nudris di insets, rivant a cjapâ ancje mil moscjins intune gnot!

Il carton de setemane



Chel trist di SuperberechinVot al tire fûr i siei podês tridimensionâi, sigûr che nissun lu podarà fermâ. Ma nol à ancjemò fat i conts cun Vincjesiet!

Cjalin insieme la pontade di *I Numaruts* "Il podê des trê dimensions" su



Ridi a plene panze!

Ce fasial un vampîr suntun tratôr tal mieç di un cjamp? Al semene pôre!

Piture il dissen



Cumò fâs tu!

Cjale ben: rivistu a cjatâ i doi gnotui compagns?



Pagine curade dal Sportel Regionâl pe Lenghe Furlane de



Vuelistu tornâ a viodi lis pontadis di Maman!? **Cirilis su**



ANCJE 'ON DEMAND' SU telefriuli

Cjale lis gnovis pontadis su **telefriuli**

Vinars aes 18.30 e in repliche domenie aes 7.00 e aes 13.00

STELIS E LUSIGNIS Noa



Roc. Fasint une robe che ti plâs une vore, tu viodarâs che il timp al passe intun colp.



Gjambar. Meti in bande la braûre nol è facil par nissun, soledut par te.



Balance. Inte agjende dal cûr tu âs za cetantis cuistions viertis, no covente zontade une di plui.



Bec di mont. Ti oblearan a fâ une robe che no ti plâs, ma la vite no je dute fate di garofui.



Taur. Par fâ lis robis fasiti judâ dai amis, ma prime di dâ ordins cîr di scoltâ i lôr conseis.



Leon. Di un pôc di timp tu sês fer sui progjets che tu âs impins. E je ore di tornâ a cjaminâ.



Sgarpion. Sul lavôr tu âs plui di cualchi fastidi, ma ti fasin dome imberdeâ i pinsirs tal cjâf.



Agarûl. Se tu rivis a puartâ a cjase un biel risultât, tu viodarâs che ancje chei altris a vignaran di consequence.



Zimui. Pierdi timp nol è simpri un mâl, parcè che ti da la pussibilitât di pensâ miôr su cierts rapuarts.



Vergjine. In amôr alc si sta movint, ancje se no tu sâs ben ce: lasse fâ al timp.



Sagjitari. Cîr di jessi te stes, cence lâ daûr di ce che chei altris a vuelin che tu sedis.



Pes. Ti plâs stâ cidin, ma par une cuistion impuartante tu âs di fâ sintî la tô vôs.

